

處州府志卷之三十

處州府知府元和潘紹詒重修

藝文志下

詩篇

名流題詠巖壑增輝然不惟其多惟其工耳若列入
酬應之作及歌功頌德之詞則不免貽誚山靈矣茲
擇其尤雅者錄之以不能盡附各門也時賢篇什未
敢濫登

送縉雲苗太守

唐王維

手疏謝明王腰章爲長吏方從會稽郊更發汝南騎按

處州府志

卷之三十

詩篇

一

節下松陽清江響鏡吹露冕見三吳方知百城貴

送姪式顏赴枯守張大夫召詩

唐高適

太守擊東吳吳塵不敢起吳人下山哭吳騎海邊死部
曲盡封侯輿臺亦朱紫當時有勲績末路遭讒毀轉旆
燕趙間剖符枯蒼裏弟兄莫相見親族遠枌梓不改青
雲心仍招布衣士平生懷感激本欲厚知己去矣難重
陳飄搖自茲始遊梁且未愜適趙今何以鄉山西北愁
竹箭東南美崢嶸縉雲外蒼茫萬餘里猿鳥亂啾啾朝
暮孰云已登臨多瘴癘動息在風水雖有賢主人終爲
客行子我攜一樽酒滿酌聊勸爾與爾惟一言家聲勿

淪滓

照水堂

宋郡守許尹

清溪自古流溪深不見底日照鱗甲生風行縠紋起誰遣魚蝦來濡沫亂清泚招招彼舟子網此腥城市我雖仙都遊不唾仙都地但欲向滄浪中流航一葦慎勿怪使君使君心似水

萬象山

明知府朱葵

爽氣滌煩囂山空雲影淨登眺偶相過烟嵐四週映氣象有百千極目未能竟峯態見青蓮溪光碧於鏡亭高覽世際寺寒僧苦行村樹識民居莊嚴悟佛性還思東處州府志

卷之三十一

詩篇

二

土尊何似西方聖試結浮生緣熱爐致瞻敬

南明山

明學博陸起元四明

多病鬱不樂况復邁長夏開戶眺層巒南明宅其下夙遊既已飫行吟俗所詫感茲秋載新年華忽萎謝我有素心友願與值休暇出郭跨飛虹捫蘿陟危榭銜杯漱甘泉選石相枕藉人生貴自娛爾我不相借米顛與屠叟今昔齊聲價遺迹空復存人琴杳長夜達觀去住蹤身名俱幻化嗟彼牖下人頭白營田舍

三巖

朱葵

山以洞壑奇每苦去人遠何如此三巖城闔共朝晚呼

輿度翠微石怒儼龍偃林杪落雙虹前騶驚欲返豈伊
虎豹叢精廬藏碧巘溪流天半來觸石流縉綵臨崖自
奔放百尺散琰琬山腹復空虛玲瓏走鼪鼯旣納扶桑
瞰流雲互赫烜洵哉可枕席亦可滋蘭畹晤對意無窮
杖策加殮飯石髓如相逢轉笑天台阮

濟川浮橋落成

金華太守

吳

炯漢陽

王政十二月川原成輿梁生民資利涉無復有褰裳後
世賢達者往往深徬徨自昔萬安橋閩嶠傳芬芳題宇
留碑碣詎獨愛文章功高足千古宇宙誰頡頏翳惟曹
太史鴻筆高三長一麾辭金馬兩典吳越鄉有功宏利

處州府志

卷之三十一

詩篇

三

濟何啻君謨襄環城枯蒼河空闊深微茫滙流并淫潦
奔突驚望洋往來當要衝病涉嗟民商縛筏資間渡浮
沉水中央距今五十年不聞起民瘡五馬蒞茲土惻然
重憂傷以彼厲揭苦亟爲解奚囊一錢嗟羞澁拮据殊
多方經營事興築民力各相忘功成期月間垂虹照波
光宛若聯大艦橫亘萬尺長熙攘咸懽呼相與樂康莊
以此濟物心慷慨自難量惠政無時無藉用報君王嘉
名千古同永永垂無疆

石門山觀瀑用康樂登最高頂韻 朱均和

謝公箕頽流特操耽幽棲蠟屐得洞天雙鶴頽清溪擬

追元圃遊對此爲階基披榛剪蘿葦宿霧暝欲迷方當
誇高標焉能分徑谿鬼物諒奪氣幽禽亦驚啼卓哉曠
世懷心與境不攜俯視囂塵中榮枯猶稗蕘孰知東海
偏秦鞭預驅排付與破荒手從此凌丹梯

又

殷雲霄

我官青田縣七度遊石門今來值歲晏况復積雨繁千
峯木葉脫萬壑水返源嗟哉此獨異草木一何蕃摘實
倚松柏寒芳尋蘭蓀蒼壁幾千尺飛流瀉其巔停蓄鑑
毛髮奔放類崑崙我實憐沉冥此可遠囂喧尋源濯我
纓拂石開我樽羽人猶霄漢佳期何由敦日暮且歸去
處州府志

卷之三十

詩篇

四

回首風雲昏

仙都山

李建中

巖巖仙都山肅肅軒后宮巨石靈廣宅千仞凌高穹肇
當融結初全得造化功深可盤厚壤峭疑載冥鴻雲駢
去路存丹鼎遺跡空抽澗草心碧敷香蓮葉紅升龍攀
矯矯飛鳳鳴嚙嚙而我集仙署嘗比瀛洲雄星移婺女
間夙駕浙水東到覺毛骨爽生如羽翼冲萬事皆氛埃
一氣歸鴻濛遐哉上聖道邈與元化同金簡奠至誠玉
書銘代工功成解冠劍棲息期此中

又

李用勤

縉雲人

踏遍百六峯白雲要我宿五十九名灘仙花香簇簇湖
鼎少人到蓮葉薰天綠山僧惟守松不知夢蕉鹿我來
訪軒轅龍鬚草纏足古洞半蟲書剔蘚遲遲讀

吏隱山

詹迥

縉雲古名邑惟東有崇山羣峯屹羅列一水相迴環李
侯築崇臺吏隱于其間斯人不可見篆蝕蒼苔斑我來
訪遺跡臨風發長嘆洗樽挹醽醑落日猶忘還

黃龍山

李普達

迢遞城西山屹立青芙蓉林木鬱森秀石壁如崇墉其
中有靈湫蜿蜒蟠蛟龍雲氣常五色掩映梵王宮願言
處州府志

卷之三十一

詩篇

五

沛霖雨四海歌年豐

謝公巖

許旣德 歙縣

山裂自何年劃開一線天小石屹如座大石覆其巔風
雨不得入斜月照苔筵石上箕踞誰笑看薜蘿懸或云
謝康樂今作巖中仙風流邁千古屐齒痕依然我欲賃
石屋與公分雲烟

石門嶺

明邑令 王在鎬 歙縣

此是登天路如何有人經羊腸幾千尺倒掛窳五丁日
亦至此憇雲亦至此停晚登絕頂上低視斗與星森森
竹碎雨濛濛樹交扇蠶叢不足道吾欲邀巨靈

曳嶺

王在鎬

如何老聃過何不挽其牛如何王喬過應將兩鳧收異哉何仙人曳履而遨遊無乃白馬者從此赴丹邱鶴肩非不高雲脚非不悠嶺出雲鶴上那得不拖留羽衣礙難度靈裙邈爾修吾恐雲與鶴至此亦應愁

竹峪嶺

王在鎬

稠林塞磴道怪雲似嗔人行者影滅沒陰森搏角巾木學山鬼嘯霧爲猛獸蹲飛泉翻百道亂灑出深垠晴中作雨色谷底聽雷振懸崖同腐木霹靂裂斷斷斗上復斗下十步九步踰山水無苦惡苦惡彌堪親

處州府志

卷之三十

詩篇

六

白泄巖

王在鎬

剖破青山腹珠玉瀉萬斛掛作六月冰飛爲晴天霖遠望若白龍渴飲赴澗谷山水如幽人豈盡經品日向聞五洩泉今乃得其六移之匡廬山又添一疋瀑

苦頭嶺

王在鎬

我行苦頭嶺遇一苦道流其狀野如鹿其髻大於頭十年不巾櫛結坐此荒陬問汝苦何爾日爲世人修此山界兩邑豺狼所經遊自吾卓菴後泥丸塞其喉撮土蓋成院瘠确盡墾疇苦樂復何計原非饑寒謀予聞汗泚顏俯念自夷猶苦行雖筋力閒遨遠波鷗如我計升斗

折腰作沐猴心縮皆亂髮行止互卷蚪葉蟲不知徒佩
憂而編愁此山亦名苦誰謂日月休天地猶牛馬予輩
豈敢偷道人聞予說克耳豎兩眸一茶菴前別山下田
水悠

澄照寺

王華

朔風肅寒威草木半摧落喜見松柏青山林未蕭索遂
爲郊原遊停輿登禪閣禪居斷俗紛幽閑有真樂鳴泉
振玉聲羣巒擁屏幙爐香浮晝氤清茗薄燕酌野目盼
征雲憑軒看巢鶴少憩覺心怡百慮俱忘卻顧余縻祿
人此心良自忤何如鶴溪翁高志凌霄廓

處州府志

卷之三十一

詩篇

七

景甯合特亭汪公革夫役十九韻

潘可藻

景甯人

力役古不免使之貴以時苟非法君子民困兼殍離吾
邑彈丸城城郭傍溪湄千峯出雲表壑畔幾町畦烟村
倚林塢猿狖行相隨農家急官役跋涉廢耘耔鳩形越
鳥道一步一噓嘻老穉力不勝典質及犁鋌間有待哺
家掩戶日啼饑泰山負民背其憊莫能支賢侯父母心
哀矜亟撫綏始自下車日傭夫捐俸資斯弊欲永除通
衢鑄禁碑窮黎釋重累一旦瘳瘡痍力田麥雙秀植桑
無附枝夏不糶新穀春不賣新絲遐邇歌善政銘勒人
心脾德與邑終始何日可忘之卽諺成短章誌感非阿

私

遂昌翠峯院

明 王養端 遂昌人

吾觀出天維高凌拊雲岡盤空際飛鳥曠蕩極扶桑乘
間一眺覽憑虛寄昂藏戀彼仙人迹渺然嘆荒唐衣傳
禪月衲寺古貫休堂蜀尼旣好道豈復懼梯航不謂萬
峯寂乃能見懸光梵語落秋壑天空元鶴翔經壇生象
樹天花散幽香物變景猶昔時和遇自良慕此聽法者
有懷從龔黃修修立萬仞吁吁見四疆望岱不在魯記
峴還思羊古人重感遇不以風物傷所資豁塵况毋爲
世徬徨歸路出松檜林深畱夕陽山翠不可拖蒼蒼照
處州府志 卷之三十一 詩篇 八

衣裳惕然際斯遇解帶命霞觴佩以瓊瑤管寫之雲錦
章願言駕靈鷲扶搖行諸方

護法寺

葉夢得

蓬萊仙人好樓居飛騰十二鄰紫虛茂陵劉郎厭塵土
欲棄敝屣追霞裾栢梁建章上霄漢凌雲作賦憐相如
九關竟斷雷雨隔汗漫未可平尻輿百年玉椀在人世
白髮旣老誰能除那知幽子三昧手坐斲一室巉崎嶇
飛欄跨空繚千嶂下睨衆木森扶疎眞遊已遠不易到
幽事僅足甯求餘我來佳處得咫尺崖谷更值晴烟初
超然更覺塵境絕脚底未怪鳴鐘魚

三架壇

明郡守 謝子襄

混元峯頭呼太白共觀御書遺古墨天風入表翠鴻濛
石屋半間仙窟室道人邀我遊仙蹤扳蘿緣路摩崖刻
煉丹井底龍雙蟠點易亭前鶴一隻鳥啼花落幾今古
俯仰乾坤吟不得天風氣清人更清似向蓬萊頂上行
日落長嘯下山去白雲流水秋冥冥

又

劉

祥

青田人

萬古丹山寄仙跡拍入雲根細尋覓捫蘿直上混元峯
點易亭虛露空滴鶴從華表未歸來雲巢松頂生莓苔
巖邊頃刻花含笑天桃偏待劉郎開忽然靈籟清風發
處州府志 卷之三十 詩篇 九
兩腋颼颼毛骨憑虛呼嘯劍痕光遙望海門推出月

匡山行

李

畢

錢塘

仙人休吹紫鸞笙聽我一曲匡山行青蓮居士讀書處
至今石室丹霞明龍泉西南百餘里四面崢嶸翠峯起
先生結庵當畫圖正與匡山景相似屋前屋後皆種松
坐看百尺蒼精龍黛皮深含霜雪古鐵幹返走風雲從
一亭下浸蒼波冷縹渺烟雲成萬頃中有神魚長比人
翠鬢翻動玻璃影一亭上與浮雲齊碧欄干外青天低
分明投壺笑玉女彷彿出海聞金鷄東南一亭隱林樾
地位清高隔炎熱人間赤日如火流疎簟琅玕自蒼雪

最其秀者環中亭周遭千朶芙蓉清朝來爽氣落我袂
蘿風吹日天冥冥鶴怨猿驚歸未得繡衣今作青雲客
故山回首五情搖歸夢時時到寒碧自古山林鐘鼎同
先生况有前賢風少待功成拂衣去入門依舊山花紅

送楊大年知處州

宋 王禹偁

珠冠珥朝簪才堪值翰林重違君厚遇聊奉母歡心筆
削留停史囊裝貽賜金帆張浙河濶山對枯蒼深暫歇
趨朝馬重聞故國禽幽蘭南澗採壽酒北堂斟務簡慵
開閣家豐不典琴綵衣方侍膳紅藥卽共吟我占掖垣
久自驚年髻侵好賢兼罔極相送淚盈襟

處州府志

卷之三十

詩篇

十

初至郡齋書事

宋 楊億

地去京華遠年逢旱暵餘羣胥同黠馬比戶甚枯魚煦
嫗心空切澄清志莫舒焚絲殊未治錯節詎能除聽訟
棠陰密行春柳影疎賓筵求媿媿僧舍問眞如踰月看
除目經時絕傳車素餐徒自飽投刃豈曾虛盈耳嫌敲
扑堆牀厭簿書故園無數舍長日嘆歸與

到郡滿歲自適

迢遞分符竹因循度歲華地將鯨海接路與鳳城賒觸
石雲頻起銜山日易斜潮平聚魚市木落見人家吏隱
偏知幸民謠豈敢誇無嫌勾漏令且得養丹砂

贈處州奚使君

唐 劉禹錫

吳越古今路滄波朝夕流從來離別地能使管絃愁江
草帶烟暝海雲含雨秋知君五陵客不樂石門遊

白雲山

明同知 皇甫汈 蘇州

春風行處盡始覺白雲深錫化無僧在鐘鳴有客尋花
溪遙隱壑蘿徑曲通林坐得浮生理悠然忘我心

又

王一中

本來無一物白雲猶較多浮游皆幻相真趣在巖阿日
暮忘歸路春遊是處窩呼盧浮大白醕酌欲如何

挾策耽幽勝羣峯入望明霧深元豹隱雷動蟄龍驚羨

處州府志

卷之三十

詩篇

七

爾探禪乘偏余涉世情白雲如有意去路幾迴縈

又

鄭 緇 宣陽

崔嵬萬仞壁鬱鬱鎖龍宮列嶂浮層漢諸山拜下風鐘
鳴蒼樹杪僧卧白雲中俯視塵寰界真成蟻垤同

劉山卻金館

明推官 顧大典

華館抗崇林清風振古今高人敦素節精志薄黃金嶺
鎖秋風冷亭虛夜月侵宦遊當此地俯仰意何深

法安寺

葉夢得

共約來春會牙檣發畫船和風楊柳岸微雨杏花天故
國應攜手前途共著鞭吳兒看環珮珠樹秀嬋娟

南明山

明劉世懋青田人

游眺憩危亭峯巒列畫屏雲開千嶂碧蘿合半山青鶴
去松仍老龍歸水亦靈醉餘渡溪口蒼樹月冥冥

三巖

顧大典

洞啓三巖勝泉飛萬壑幽孤亭偏傍竹野寺易生秋雨
氣晴難辨嵐光暗欲浮叨陪幸多暇竟日此淹留

青芝田

皇甫汈

采秀凌丹壑攀蘿踐白雲仙源那可測巨室已中分劍
化靈猶在爐寒火自焚今朝看斗氣一爲問夫君

鼎湖石

樊敬縉雲人

處州府志

卷之三十一

詩篇

三

萬丈丹梯迴巍巍帶紫芬孤峯環列岫迴地起層雲日
落台光近天空鶴唳聞不須嫌獨立山色共氤氳

小桃源

樊通

去郭二三里風光世不同人家青嶂裏鷄犬白雲中古
樹搖新綠清流帶落紅漁郎休見問迢遞武陵通

小赤壁

樊獻科

削壁入雲天凌空幾歲年石橋藏野艇幽谷瀉飛泉洞
隱諸峯合林深一鶴眠草堂歸路近明月半溪烟

桃花隘

朱葵

徑闢山逾險雄圖鐵陣堅關河秦百二組練越三千俗

有桃源古谿餘花色妍淳風方浩蕩綠野自芊芊

竹峪嶺

宋沈晦嘉興人

三月亂山中崎嶇處處同溪流因雨漲木葉看霜紅人跡千巖絕松聲萬壑雄幽尋自可脫不復嘆途窮

善因教寺

黃恭臣

吏役何時了登臨古寺中白雲風聚散黃葉水西東遠眼輸山碧醜顏借酒紅宦情消素念到此興無窮

西屏山

葉永華

還眺凌霄閣開樽對紫微片雲依寺靜雙鳥拂簷飛野樹供幽坐閒花點薄衣豪吟發天籟落日每忘歸

處州府志

卷之三十

詩篇

三

妙高山

齊鼎名皖城

出郭探奇異言尋靜者居花光迷徑遠松影落牕虛法侶舊相得詩朋興有餘清談供苦茗歸路暝烟疏

含輝洞

黃中遂昌人

靈竅通溟海逶迤細入池映天開曙色輝日動寒漪潤物渾無迹為霖定有期尋幽來洞口掃石一題詩

新嶺隘

項天衡遂昌人

磴道盤空起行人曲折登春山全帶霧野客少逢僧山僻虎留迹日暄魚上簷但從酒家宿客路亦何憑

清華古閣

遂昌令 鍾宇淳

古閣凌霄迥林深野興投穿雲千樹出帶日一溪流嵐
氣晴猶濕花香曙更幽虛舟吾意愜天地復何求

報願寺

齊鼎名

懶性偏宜靜禪房獨掩扉近窗新筍長繞砌落花飛夜
月聞僧梵烟嵐灑客衣心清疑有悟春盡亦忘歸

香巖院

宋 潘景夔 松陽人

晚入招提路山風冷透裳寒鴉互分合霜稻半青黃習
訟傷澆俗思閑慰故鄉牧童如有感扣角唱斜陽

九姑山

李應春

未盡登臨興躋攀到上頭殘霞流絕巘明月映前洲龍

處州府志

卷之三十

詩篇

古

劍千年合驪珠此夜投翩翩逼霄漢高處不勝秋

薰山

程維伊

極目薰峯麗逶迤陟翠微經春溪長髮積雨石生衣壁
峭捫蘿磴林深隱竹扉仙橋何處渡冉冉白雲飛

淘洲川

吳銓臣

白雲侵竹隱綠水夾淘洲野火光連曙疎林響帶秋橋
崩磯尙在寺廢礎空留不奈溪流淺無因泛小舟

望京臺

季 海

層臺百尺餘候煖葛衣初幽思詩陶寫閒愁酒破除花
隨春雨盡柳帶暮烟疎獨愛錦山色岩岩入紫虛

午溪

何逢源

躡屐度橋東穿雲入梵宮鐘鳴山影動磬響水聲通說
法蛟龍聽談經花雨叢上方閑話久歸路夕陽紅

沐鶴溪

鍾夏嵩

萬里長空月清波漾素輝蒼茫紅蓼岸激灑碧苔磯影
入孤城霽光涵遠樹微一聲瑤笛響仙鶴伴雲飛

萬象山

徐應亨

蘭谿

秋山秋水映遙空萬象森森入境中樺樹連雲環學舍
蓮花簇黛擁禪宮卽看旅雁飛斜日忽聽僧鐘度遠風
共指霞標桐柏近登高授簡憶興公

處州府志

卷之三十一

詩篇

五

又

葛伯宜

上虞

崇山突兀俯東甌策杖來登最上頭四壁畫圖千嶂合
萬家烟火一亭收好溪雨過拖新練蒼嶺雲開結翠樓
指數洞天奇絕處不禁芒屨欲相求

又

鮑 棡

餘杭

何處高歌倒碧筒良朋九日陟晴峯咏清邊雁排空字
引滿江楓倚醉容蒼壁斷雲迷舊路荒苔凝雨卓新筇
朝來細數茱萸梗插過寒山十二重

又

郡守

劉廷璣

遼海

絕頂秋風更颯然青藤七尺笑衰年綠從東去河流細

白向南來塔影圓，負郭雲開沙漠漠。漠漠繞城露濕草芊芊，可憐廢壘荒臺畔。一日人家一舉烟。

擇山

張治統 燕臺

璿宇巍峩玉筍頭，滿城佳麗鏡中浮。翠巒雲鎖千層錦，墨沼龍蟠五夜秋。斷碣餘書饒古蹟，高文爍斗振時流。千年多少循良吏，鐘鼓長歌李鄴侯。

錦山春望

陳大鵬

遠近春游趁馬蹄，好山如錦望中迷。嬌含紅樹傳鶯語，秀毓蒼梧引鳳棲。天頂摘星雲有路，峯頭步月石堪梯。愁腸放得皆清境，佛國何曾定在西。

處州府志

卷之三十一

詩篇

夫

元勳祠

顧大典

乘時仗策奠華夷，帷幄謨謀蔚帝師。豹隱騰閑黃石畧，鴻冥終赴赤松期。百年勲烈輝寰宇，一代文章煥郁離。芹藻獨修瞻盼嚮，煌煌宸翰照穹碑。

白雲山

錢 湛

兩度尋幽扣石扃，雲迷山色晝冥冥。沿街落葉臨霜赤，入戶諸峯過雨青。洗鉢池中魚弄影，散花臺畔鳥忘形。平分老衲烟霞趣，不為逃禪學聽經。

卻金館

許國忠

迢迢俞嶺數登臨，仙吏由來此卻金。孤館無塵遺素節，

層臺有客寄高吟青山不改當年色明月常懸去後心
我亦勉爲清白吏更從何處覓知音

溪雨亭

宋郡守劉涇

塵土孤城空自忙不知精舍早秋涼林間曲折磬三里
天上金光月滿堂淨飯打魚剝老木寒灰添火熬明香
鵝鳩山脚溪聲好流入人間雨意長

少微山

國朝 辜景阜 麗水人

誰挽銀河落九天奔流雲際水濺濺寶珠百斛飛空灑
瓊練千尋對座懸不雨亦驚簷溜急非潮偏訝浪花鮮
飛湍光若生江海仁有蛟龍捲霧烟

處州府志

卷之三十

詩篇

七

天甯萬壽寺

朱應鍾 遂昌人

北郭山迴麥隴斜碧蘿紅蔓記年華寒源樹映千峯色
古寺林開五月花游客未應忘色相老僧誰復具袈裟
絕憐太僕題詩處今日齋堂集暮鴉

石門山

周青原 武進人

迢遙匹練下晴空知有仙源委曲通四面林巒常帶雨
九天珠玉遠隨風何年巨手闢青嶂盡日澄潭飲白虹
忽憶瀛臺深曲處飛濤噴薄五雲中

仙人壇

蘇守簡

峻嶒百尺倚仙壇仙子何年俯碧灣苔蘚已埋燒藥竈

竹林猶長釣魚竿
九霄路隔丹書杳
三月溪深碧浪寒
鳴鶴至今清韻在
更無人倚玉闌干

暘谷洞

鄭文茂

洞口移舟獨上樓
更從何處覓瀛洲
空峒日透千山曉
絕壑風迴萬籟秋
閒對修筠皆我侶
試看題碣盡名流
因思人世同為客
且喜韶光信白頭

混元峯

國朝 徐上成 青田人

誰將巨石峙龍從
幻蹟端疑擅化工
閱去春秋忘甲子
分來儀仗見鴻濛
書崖斷字全侵荔
挂壁疎藤半結蟲
極踞危巔雙眼豁
振衣萬里起長風

處州府志

卷之三十一

詩篇

六

仙榜巖

李 鍵 縉雲人

絕壁干雲小徑斜
一溪春樹半烟霞
杖頭欲醉醞醕酒
洞口初繁桃李花
懸閣空中疑島宇
飄舟塵外即星槎
倘容姓字標仙籍
隻鶴長空徧岱華

仙都山

劉廷璣

有客凌風下栝蒼
栝蒼深處白雲鄉
但看山水真幽異
一說神仙便渺茫
鶴老不知人歲月
松高曾歷代興亡
古今多少來遊者
石上模糊字幾行

小仙都

李 鍵

城市歸來憇此山
移尊寂歷幾開顏
雙峯曉色連雲度

列島仙人化石還洞口桃花春自在溪頭鷗鳥意俱閒
葛洪丹井何須問今古浮沉一嘯間

吏隱山

鄭汝璧

縉雲人

萬樹春光擁翠臺清樽閒傍薜蘿開高歌忽與浮雲會
半醉旋呼片月來林僻總堪中散侶賦成終愧大夫才
前溪遙送金波色爲駐清暉倒綠醅

仙巖寺

宋

陳汝錫

青田人

通幽一徑入松關縹緲仙遊尙可攀洞在白雲青嶂末
人行紅雨亂花間安排蠟屐登高去準擬詩囊得句還
更有苦吟陶靖節不容風月片時閒

處州府志

卷之三十一

詩篇

七

梵巖寺

鄭世裕

一水縈紆十里山梵王宮闕翠微間樓臺隱隱紅塵遠
鐘磬沉沉白晝閑雲護鉢池龍未醒烟消茶竈鶴初還
老僧厭客頻遊賞花外重門帶雨關

荆山寺

樊甫

纔過橫山又一山春時攜伴扣禪關十年遊宦非爲樂
半日尋僧又是閑石鉢雲生龍出躍松林月上鶴飛還
相逢不說無生話卻笑蕭蕭兩鬢班

崇道寺

應覺翁

登山無分嘆塵容可是詩情勝酒濃佛祖宮牆多百雉

仙人劍氣在雙龍幽期自與烟霞會浮世不知江海重
忽欲穿雲參棒喝便應洗耳聽搥鐘

淨嚴寺

明詹雨松陽人

選佛由來別有場山風二月送清涼松陰貼地滿庭翠
花氣熏人百和香醉動詩豪添酒力閑因僧話逗春長
典衣且盡風光好一任明朝天雨暘

景福觀

詹雨

懶搗元霜餌紫霞試尋方外道家神仙窟在三干界
龍虎丹成九轉砂春色滿懷金谷酒清風兩腋玉川茶
醉來笑問東方朔曾見蟠桃幾度花

處州府志

卷之三十

詩篇

三

卯山

包士登

山中紫氣護仙家門對青溪石徑斜小有洞深藏日月
大羅星近結烟霞鈎簾看瀑鳧飛舄掃榻留雲鹿駐車
我憶元關將進酒羽杯流水泛胡麻

清華古閣

黃中

抱閣清溪樹裏來倚山樓閣俯山隈春回花徑香風細
雨霽珠林曙色開白日雲腥龍欲起碧枝露冷鶴初回
投禪未解無生訣浪向人前說鏡臺

匡山環中寺

僧杞

四合峰巒紫翠堆小亭孤峙畫圖開九天日月循簷轉

萬壑風雷挾雨迴檻外豹窺班著竹崖根蛇護綠英梅
紅塵孰識環中趣心與風雲自往來

劍湖

葉子奇龍泉人

宓子堂前萬柄荷並頭花發咲凌波固資地力風神迴
誠荷天恩雨露多太史擬同瓜實瑞詩人咏比麥岐歌
幾回踏遍黃昏月一路清香送玉珂

桑溪

金信麗水人

百尺橫拖烟渚迷孤舟入夜泊桑溪四圍山色殘陽裏
一簇人家淺水西惹動閒愁投宿鷺喚回幽夢報晨雞
曙光纔動微微月又聽林間鳥亂啼

處州府志

卷之三十一

詩篇

三

濟川橋

真山民龍泉人

十二欄干百尺階登臨洗盡眼中埃沙痕常與水吞吐
橋影不妨船往來兩岸樓臺隨世換四山圖畫自天開
槎邊今古無窮思都付東流酒一盃

又

元王毅龍泉人

簾幕天香桂子秋白沙翠竹護中洲平分風月雙溪水
高摘星辰百尺樓鑄劍空懷今古跡留槎不礙去來舟
虹橋可接天河路我欲梯雲汗漫遊

慈照寺

王錫俸

溪迴路轉落梅香載酒尋僧到上方夜雨當窗山更碧

春風拂岸柳初黃法身漫禮莓苔像禪室空留薜荔牆
莫道龍宮久消歇林端猶見白毫光

岱巖山

陳朝佐

岱石雙峰獨峭然遙瞻漠漠起雲烟低飛洞口舒還卷
澹抹林腰斷復連地骨蔭涼秋雨後巖扉引素夕陽天
分明華岳仙人掌鎮此移來不計年

釣臺

鄭蘭谷

前溪不見鶴飛來片石垂竿尙有臺古樹拂雲千載幻
野花迎客一時開只今渭水成烟漲况復巖陵盡草萊
獨羨浮邱辟穀去仙風長共月徘徊

處州府志

卷之三十

詩篇

三

鶴溪講堂新成喜賦四律

景甯令

汪士璜

揚州

闢地誅茅構講堂好將桃李植成行謾言耕鑿人情古
須使詩書教澤長輪奐光搖緇帙影管絃聲帶藻芹香
泮宮鐘鼓欣伊邇木鐸從茲振一方

前對鴉山後印山鶴溪春水繞如環無邊靈秀來天地
應有文章照馬班不信百年霑聖化終難一日振人寰
諸生莫負子辛苦起敝扶衰在此間

衣冠濟濟盡英才都爲先生問字來行李一肩天外至
門牆數仞雪中開燈光紅處聲千疊山色青時思萬迴
落筆有神堪倚馬懸知不用鉢頻催

山城無日不公餘儘可頻過課讀書啟發最宜花放後
推敲還愛月來初階前子弟臨風立檻外田疇帶雨鋤
學校農桑兩無憾十年心事不曾虛

麗陽春曉

夏宗堯 襄平

曉望麗陽峯春雲淡亦濃幾疑螺黛染臨鏡乍爲容

巾山夕照

落帽龍山勝茲傳巾子名毫光散佛塔卻是日西橫

白雲疊翠

一徑白雲林仍多翠黛深層巒開秀色添作薜蘿陰

好溪夜月

處州府志

卷之三十

詩篇

三

月映好溪澄溪好月亦好清光一片涵夜色看誰飽

三巖瀑布

三山天外落恰復見茲巖最好鳴高瀑銀河落遠帆

少微烟雨

仙路雲蹤冷山光淡少微迷離自烟雨景色畫應稀

菱山

王宗茂

地迴雙峯起林幽翠色分亭臺依斷處花外度春雲

白雲洞

樊獻科

祠上千尋石祠前百尺潭停舟向烟渚日落碧山寒

石門山

葉子奇

結門雙石鎖秋烟雲派從天自古懸山下道人吹鐵笛
夜深聲落月明船

青城山

湯顯祖

萬仞飛泉挂石龍青城如霧洗芙蓉自非仙令鳴琴出
誰瞰秋窗玉女峯

廣仁院

周池

石泉飛玉出雲端剪剪輕風掠地寒寄語籃輿須緩進
欲留山色靜中看

清華古閣

朱應鐘

雙溪東下路猶長高閣平臨綠水涼下馬獨來當六月
處州府志

卷之三十一 詩篇

十四

不勝花氣逼人香

匡山清高亭

吳宗夏

一天爽籟入松濤萬仞匡山傍碧霄下視塵寰飛野馬
方知此處是清高

濟川橋

葉子奇

百尺留槎溪上樓山光水色共悠悠龍騰寶劍無蹤跡
閒倚欄干數釣舟

愚谷雜詠八首

明 鄭汝璧

愚谷從吾好茆茨取次栽百盤依磬折三徑就花開日
薄仙巖寺春深吏隱臺烟霞堪寄傲青鬢賦歸來

委巷稀塵鞅城居似遠村
芟荷衣乍製松菊徑猶存
晦跡從牛僮閒情共鳥言
平生饒野趣樂志仲長園
卜築家山半雙峯對草堂
巖欹斜引磴松礙別開廊
留客呼浮白逢僧學坐忘
陸沉徒復爾廣莫是吾鄉
烟樹澹空空春燈入夜紅
下山花吐月醒酒石生風
源水行相引華胥夢欲通
尊留餘興在取醉復牆東
此子宜邱壑端居養性靈
室中一榻白竹外萬峯青
種葯供多病開尊笑獨醒
元經慵罷草雙寂子雲亭
秋聲忽在竹行樂一窺園
蛺蝶翻風細芙蓉裛露繁
遂初閒欲賦幽意靜誰論
徒倚層臺望冥鴻萬里鶩

處州府志

卷之三十

詩篇

五

爲闢種瓜地因成選勝遊
斗池虛納月竹徑曲藏樓
振策千峯響停雲萬壑幽
黃花開正好與客醉籬頭
水竹自成居烟霞曲抱除
泉鳴階下石花撲案頭
書待月坐高嶺看雲過太
虛鄰翁曾卜夜谷口命中
車

仙都山

明 樊汝霖

谷口青山隔世緣桃花流水共娟娟
前峯徑轉尋春路近壑烟迷種秫田
選勝不妨迴蠟屐探奇休問避秦年
清芬苒苒論天末恍接仙人鼎上蓮

戊戌春日登白雲山

明 鄭賡唐 縉雲人

招攜物外俯千山疊疊雲深曲曲灣
竹籟流鶯和梵唱

松陰蒼鼠撼禪關觀魚不惜長生供檢藏應從最上刪
為指娑羅花未有卧雲長伴老龍蟠

白雲山福林寺有放生池顏曰觀魚

寺前有娑羅樹

久坐渾忘是福林香風細拂踏雲輕竿竿菜竹遮驕景
面面青山架翠屏樵斧頻侵松壑韻芋田初播午烟晴
何堪春日料花事又話吾鄉感慨生

霧雨過桃花隘

清晨出郭門天地何曠漭微雨忽然集飄風更淒愴衣
袂盡為雲陵壑平如掌客路咫尺深予將從此往踽踽
獨微行遙聞流水響投關且一息遇景遂成賞孑然顧

處州府志

卷之三十一

詩篇

三

此身乃在干峯上

趙侯船

國朝朱球
縉雲人

一石如槎卧橫絕古渡頭亂藤激洪波飄搖不繫舟夜
靜水寒山空如洗疑有異人遊於此我欲從之趙侯是
趙侯趙侯為何人爾名長在荒溪濱古來富貴有磨滅
斷碑沉水徒悲辛不如茲山一片石蒼苔月照千秋色

吏隱山

真隱久寂寞北山空移文為吏而欲隱無乃非其倫不
知曠達士邱壑在簪纓頽然高卧處一枕山月明至今
松徑下雲鳥猶傲人樵者空自舞漁者空自鄰從來桃

源路未許人問津

過故福昌寺有感

朱 彰

寂寞前朝寺已荒重尋舊跡感滄桑空憐寶殿埋秋草
無復山僧禮梵王一片蛙聲留暮鼓數間禪院賸頽牆
斜陽漸落林梢去漠漠平蕪聽叱羊

遊正等寺

薰風扶我過籬東數里桑麻處處同松竹林高鐘磬動
隔園知是梵王宮

處州雜言八韻

郡守 劉廷璣

城裏荒山城外溪可憐今剩幾殘黎十三年遇兵戈後

處州府志

卷之三十

詩篇

七

八文波同石柱齊官舍夜深曾過虎人家日午不聞雞
招徠半是閩中客代種三春雨一犁

不通車馬不通帆半在風林半在岳臘月有時衣尚夾
全家終日食無鹹謀生沙裏三斤鐵治產雲中數畝杉
誰信浙東有此地儘教淚溼舊青衫

荒涼滿眼費經營羞說三年政有成八九人充童子試
斗升米上訟堂爭秋常疊石修新堰夜旋陶磚補破城
最是一番心事苦枯蒼門外草縱橫

但可人耕嶺上田一層高比一層難連宵有雨溝全沒
幾日纔晴土又乾地已困窮偏信鬼俗尤頑梗不尊官

我今翻與諸君約只作兒孫一樣看

登高無地不淒然嶺下桃花另有天官貨偶來經麗水
海潮從不過青田吏人落落清晨散案牘寥寥白晝眠
聊以解憂詩共酒翻稱太守似神仙

俯仰山川憶昔時少微獨照一星奇布衣著作千秋史
鐵瓦功名一代師高下有情峯疊疊迴環不盡水遲遲
乾坤依舊鍾靈秀繼起英賢近是誰

簷前高柳一旗風破屋初添瓦一叢臨水幾枝修竹淨
隔離無數野花紅村中昨夜迎新婦市上今秋有醉翁
不怕催租人又到收成頗比去年豐

處州府志

卷之三十

詩篇

天

爲邦自古忌因循獨駕熊車問俗頻礦是前朝開敝政
寇緣內地隱奸人桑麻但得農夫好蔬水何妨刺史貧
況有俸錢堪奉母與民同慶太平春

周浣初學使和劉在園太守處州雜言八首

問俗山城渡碧溪德聲早喜徧羣黎寒蛩夜月鳴機急
哀雁秋風築室齊棄地可耕頻買犢訟庭無事每聞雞
我來正值初晴好麥隴時時見一犁

行過青田到石帆危灘一路接層岫地因近閩聲多缺
水不通潮味少鹹瘠土征輸無粟米荒山租稅出松杉
獨宜物候長和燠十月風晴曳短衫

幾載兵戈駐柳營年來方幸樂平成溪無暴漲蛟龍隱
田有遺禾鳥雀爭商旅幾人通小市絃歌昨夜遍荒城
循良太守多清暇拄頰時看玉案橫

昔聞下邑征求盡欲問興除事事難市上瓦盆無處覓
井中石髓幾時乾噢咻近喜施寬政僻陋何曾識上官
自笑乘軺頻到此兒童贏得負牆看

西山遺澤已蕭然吾道興衰豈在天處士一星臨繡壤
名臣千古說青田就荒學舍新開徑懶讀書生莫愛眠
文運正昌風樸畧點頑何術比神仙

高館疏峯咏舊時飛泉最愛石門奇重來似泛山陰棹
處州府志卷之三十 詩篇 三

到此曾參玉版師亭上紅紗籠壁滿溪頭青翰發舡遲
徘徊獨惜梅花早手折繁枝好寄誰

行李蕭蕭爲采風官衙惟見竹叢叢牆頭徧疊山光紫
堂上猶懸帳影紅遊覽未遑追謝客轉移深愧遜文翁
諸生莫嘆艱衣食

聖世行看慶屢豐

劉寵清名近可循郡中但覺頌揚頻早推才氣無雙士
已薦賢良第一人俗有澆淳皆可治官如爾我肯憂貧
朝來更讀新詩好煖氣先回黍谷春

石龍山

知縣 關學優

登山山岵嶂躡石石嶙峋恍惚龍變化隨屈復隨伸龍
首昂百尺俯瞰城之闌龍尾曳千丈環圍河之濬有時
雲欲起石怒裂其根有時涎乍吐山淨溼無塵問松何
年種都忘漢與秦松老龍亦老片片垂蒼鱗豈知龍有
窟別開洞中春山石自今古賞識曾幾人

偕章癖山遊石龍山

本府教授張駿

松源投客館坐卧對石龍經旬沮霽雨但見青濛濛今
晨忽開霽游興乘清風出門占同人杖策欣相從曲磴
鎖蒼靄夾峙皆虬松孤亭山之半萬象羅此中羣山亦
龍族一一朝其宗載登梵王殿飯後罷撞鐘壺觴辨咄
處州府志

卷之三十一

詩篇

三

嗟羅列肴何豐循環縱拳博炙輠交談鋒餘酣漱仙井
甘冽開心胸歸歎發長嘯斜陽挂高峰

登羊山嶺

王元衡

高峰插蒼天標奇五岳外攀緣登絕頂始識乾坤大呼
吸帝座通彷彿聞仙籟俯看波洶湧百川若交會日出
萬象澄清風掃埃盪乃知非波濤下方雲靄靄

鏡潭

吳夢犀

選勝臨東郭霏微翠欲霑空潭澄玉鏡飛瀑散珠簾竹
閣褰書幌花村颺酒帘漫愁歸路晚林外月纖纖

蓮花山

吳自明

極目蓮峰勝清猿到處聞是泉俱作雨無石不生雲拂
席松陰合侵衣竹色分此間非捷徑安用北山文

迴龍山

紆曲千盤嶺高高雲氣涼崖泉翻雪浪石骨傲水霜嫩
竹迎人綠飛花繞殿香清齋禪誦久歲月坐來忘

莊巖寺

寥落前朝寺香臺幾廢興祇聞還舊觀誰爲續殘燈經
藏無完帙齋堂有老僧仙禽誰說法不必問迦陵

萬松庵

陳觀德

蒼翠萬松色蕭齋掃俗氛鹿過花睡醒客到鳥知聞暑

處州府志

卷之三十一

詩篇

三

日冷於月午風淡作雲未容僧獨占清景與平分

雙溪庵

知縣 鄒 儒

連日探奇百丈西筍輿曲曲度雙溪竹松青裏桃含笑
泉石聲間鳥亂啼閣峭自來雲作伴榻孤偏與月同棲
禪關深處塵緣斷欲結團瓢傍澗低

福善堂

吳南明

勝日郊原攬物華東山迴映野雲斜春歸陌上多芳草
雨過林間有落花徑繞溪聲通佛刹坐依松影見人家
酒酣嘯咏俱成趣移榻何妨就淺沙

九日補天閣弔楊公

姑孰 周之德

清霄雨歇應重陽一杖尋登木末黃萬井填城山缺處
雙虹負閣水中央愁聞鴻雁傳鄉縣忍見茱萸佩客囊
此日登臨懷作者祇餘新淚溼衣裳

學旁桃花用昌黎杏花韻

龍泉
教諭許田莘野

舍旁廢圃菜甲空桃花一株牆角紅年年攀折誰愛惜
無言開謝搖春風半酣顏色殊嫵媚女兒粉面將毋同
此間俗子安足語一生荷畚勤農功好花刺眼不解看
斬伐常落薪爨中我行花下向花語植此不敵生寒叢
世間樹亦有遇合紫薇槐栢同青楓汝具僂骨悞墮此
造化戲汝須安窮繁英亂溷石梁側數顆小摘瑤池東
處州府志

卷之三十一 詩篇

三

明年移汝種縣圃拍肩試問南山翁

渡聖潭登金鼇峰用東坡白水山韻

龍泉之山悉奇縱每獨冥搜恣吟弄茲峰鼻兀作天柱
忽覩雲雷起空洞日車奔逸手可捫風馬迴旋足難鞞
虛籟穿林仙樂長陰翳襲空嵐氣重境奇路險心眼換
豈類醯雞夸破瓮下有長溪嚙山骨水勢撼搖根欲動
脚手爬沙任僕先藤葛攀援罕客共馴鳥栖樹渾無機
駭鹿覆蕉均一夢漸躋絕頂跨鼇背蛟室龍宮待吹送
鼇峰彷彿鱗鬣揚飛電撒空三伏凍靈鼉動地萬馬馳
陽侯鼓浪驚濤涌我欲鞭此金鼇拔地凌滄溟好逐丹

邱乘彩鳳

龍泉皆山田易旱旬日不雨農有憂色今日大雨

如注畝澮沾足爲系以詩

許田

黑雲蔽天天欲浮炎官火傘俄焉收霹靂一聲屋瓦震
投壺玉女光交流乍來雨似懸麻密修羅萬劫飛天矛
長溪舞蛟水起立狂飈嘯虎寒颼颼拂拭枕簟魂夢爽
洗濯草樹林塘幽旱苗勃興菜甲長覩茲生意舒羈愁
秩卑祿薄食指衆有書難煮恆含羞造物矜我田穀熟
一錢一石吾何求嗚呼安得五風十雨天下足椎牛報
蜡歌來牟

處州府志

卷之三十

詩篇

三

畚客三十韻

教諭屠本仁

從官至山鄉往往見畚客其來自南荒

聖世

有苗格安插向內地一一畫疆場枯蒼浙東陬百年此

焉宅攀陟重巖艱依棲窮谷僻斫畚刀耕舉燒畚火種
蹠荆楚有舊風屢徙罔移易有田復有廬牛宮與雞柵
雖未列編氓久已供賦役生齒日以繁轉惜山土窄開
墾有畸零樹藝無空隙輿丁及擔夫餘力耐勞劇笞辱
等人奴謀食不遑惜三五女負薪鬻市兩腳赤筠筒綠
擁髻布幅青搭額州人輒鄙之相視笑啞啞數典及盤
瓠傳聞自荒闕旄牛越雋連參狼武都隔遺種嗤戎羌

誕語肆譏斥范史姑勿引杜詩庶可撫古者五溪蠻大
族相接迹於今諸土司猶得通仕籍粵黔川楚交犸獠
蒙教澤卽此十縣間畚客且千百子弟秀而良亦足備
選擇字或識九千弓可挽五石以之充學童漢法不相
借大吏請於

朝準敕

恩光赫令下郡縣庠五姓咸歡懌

雷藍鐘盆
婁五姓

吾試與之言蠻

音變格磔

康熙癸酉邑遭回祿劉在園郡伯捐俸賑卹賦詩

以紀

雲和
教諭顧之致

處州府志

卷之三十

詩篇

三

春煦寒氈長苜蓿金鬻羹夏在藿粥秉鐸屈指方十年
巖邑已遭三回祿居民鮮少無城闔寥落不盈數百屋
官衢一望半里餘編戶大抵皆茅竹茲更天災倍不堪
但聞婦子悲聲哭幸值蠲金太守賢恩膏充給災民腹
仁宰慈祥布澤同賑粟不吝均斗斛補救誰施造化功
撫恤輿頌司民牧君不見召父杜母至今歌不衰名光
史策家戶祝

雲和卽事

桐城

曾士藹

欹斜小屋欲傾頽但見山圍不見城出水蛙聲喧兩部
傷春蜀魄叫三更幾多妄念如雲掃無限鄉心對月明

陸氏有莊荒已甚令人重悔此番行

小雨纏綿透綠櫺春光過半未曾停
閱書看倦常爲枕遠岫周遭對作屏
早起晴窺牕影白晚來風送草痕青
癡童頗喜耽疎懶折得梨花插膽瓶

夾岸青溪碧水澄編門多用草爲繩
牢收犬豕防山虎檢點雞雛畏樹鷹
風俗猶存三古樸人文須待百年興
夜來比戶關門寢街市曾無一點燈

門首家家繫竹籬蓬頭結伴負山柴
看他努力朝朝出笑我遊蹤事事乖
痛飲不辭愁極目繙書無地懶開懷
豬肝一片何勞送旣寓僧房卽用齋

處州府志

卷之三十

詩篇

三五

荒涼佛像剩幡幢苑外溪聲似大江
蛟蝶成團依細草游蜂作陣鬧油窗
靜時促膝人三個燈下回頭影一雙
正在夢中談好夢無端殿上早鐘撞

節屆清明送遠鴻野棠白間杜鵑紅
漫天陣陣瀟瀟雨捲地村村面面風
租吏打門催舊稅老僧結刹課新功
從來不下窮途淚酒盞詩瓢况不窮

和曾太史

士藹

雲溪雜興

雲和令

林宏菴

環郭山如繡山明水復清
閒雲留客思香稻慰民情
威鳳誇文采鳴騶愧政聲
吹將寒谷暖不禁看花行
爲憐茅屋苦思得厦千間鴻
集垣中堵牛耕郭外山著

花桃萼媚解籜竹紋斑斗酒青錢百行沽往復還

柴門書對句春酒飲來醕天半霞成綵山頭雪似銀放

燈渾老少響爆送窮貧負米村民至賣花兼賣薪

土俗還存樸年光今始正蘭香知拜歲鵲噪喜占晴禮

佛忙村媪求蒙笑老生燈花開不夜簇擁上街行

雲和雜詠用劉在園太守韻 邑令 宋雲會

四面寒山兩道溪溪山深處幾羣黎除荒蠲賦

恩常渥破屋頽垣築未齊祇有茅棚藏牝犢更無籬落隔鄰

雞佃田多是盤瓠種雨過夫妻盡把犁 畚民係盤瓠遺種夫婦並耕雲

色荒田多 賴開墾

處州府志 卷之三十 詩篇

三

賈客東甌逆水帆羣推力挽傍層巖何堪鹵鯨求多價

更訝灰鹽味少鹹地已窮荒惟產鐵山因煽冶半無杉

編氓苦作謀生計臘月風寒尙短衫

傳說當年列柳營高懸大纛凱歌成羣峰疊疊多鼙鼓

故壘蕭蕭幾戰爭 康熙甲寅邑遭耿亂乙丑又有閩匪彭子英盤踞山谷 永息干

戈稱樂土欲謀保障少山城官衙況是經兵火賃得民

居虎跡橫 虎入署後園二 次僮僕皆駭

近處陽和僻處寒農人力作頗艱難嵐噴曉霧晴猶溼

竹吸山泉旱亦乾升斗通融權倍息間閭瑣細訴當官

不才嘗自稱鄉長 明景泰三年析麗水浮雲元和兩鄉置雲和縣故自稱鄉長 莫與

諸君一樣看

鳳麓登臨思悄然欲將生計問蒼天何時聚貨成新市
更得平山作美田俗借師巫驅鬼崇人憑峒客卜牛眠
畚民相傳為荆南峒蠻邑地窮兼苦民風傲漫道荒山
無堪輿多有倩卜葬地者

吏似仙

戊辰諸子掇科時兩占同袍此地奇

王東里王桷皆浮雲鄉人宋紹興戊

辰進士

素業無能追往哲青衿只顧作蒙師常懸絳帳登

龍寂

謂學博閔谷亭

日做琴堂問字遲

月課諸生有已刻始至者

聖世恩榮重疊至殷勤屬望在伊誰

肩輿到處問民風搖落楓林屋一叢戶外新篁穿徑綠

處州府志

卷之三十一

詩篇

三

峰頭野火射牕紅裹鹽包飯樵山客箬笠櫻衣牧豕翁
習俗無妨安樸畧田禾且喜屢年豐

三更吏治敢言循每向中宵檢點頻執法無私存故我
持衡有定在斯人野無逋賦應稱富官有薪資不病貧
况遇

明良新歲月欣同萬姓祝長春

留別箬溪士民

邑令 陳治策

謝病歸巖壑踟躕意不勝循良常自勉撫字竟無能五
載居停慣三春別况增所嗟緣分薄高尙我何曾
夙昔冰兢意深懷曠素憂紳耆時問俗童豎喜鳴騶飲

水嘗餘味攀轅劇自羞魚溪兼鳳嶺那不悵悠悠
措大餘真癖曉曉且自聊情癡推淡泊骨挺謝和調賴
有豐年幸兼之積牘銷飄然徐引退詩草付肩挑
擊斷誠何事鞭蒲亦少施斯人吾所愛此去卽長辭積
聚知誰仗縫紉勉自支土俗罕知蓋藏木棉稀少貧民艱於衣著顏山風雨
夕長此塵離思

壯歲傷牢落文鑿古戰場一官清是水雙鬢白於霜去
住情悽戀關山路渺茫驪駒初度曲黯爾淚盈眶

登獅山

雲和孫駕鼇訓導

策杖獅林鳥道盤天開圖畫擅奇觀峰迴仄徑藏孤寺

處州府志

卷之三十

詩篇

美

石擁飛泉響急湍白髮江湖知己少黃花今古入時難
且將痛飲消塵慮醉把茱萸與未闌

好溪櫂歌

朱上杞麗水人

移來三板柳陰中青竹篙兒白篾篷知是上灘行不得
挂帆好待滿溪風

綠蓑換酒叩柴扉酌括灘清盡醉歸醉起卻歌山月小
鷺鷥白白夜驚飛

青田石篇贈林士元

韓錫祚青田人

古文何微茫摹印乃其一秦漢統海宇符信走官秩燦
燦紫泥章咸用金玉質後世易以石工力簡且逸宇宙

揚晶光吾鄉最傑出盤曲谷口山計里無六七鑿竇欣
凝脂堆案過凍蜜其次雖闇淡亦足響鐵筆造化孕瑰
奇異端難窮詰磅礴氣有餘賢豪羣屢軼林居住山麓
松桂隱書室竹筧穿戶潤牙籤插架密仰天盼流雲時
復抱其膝嗟我行役歸相視歎累日舊時詩酒徒頭顱
半蕭瑟百年空鼎鼎談笑易相失鴻雁不能言臨風想
安吉瓊瑤重贈我分襟悵迅疾夢寐招斯籥一一共評
隲元和丙申人君與余同庚居族異軌律回頭東壁垂縹緲
無與匹

旗鼓山

處州府志

卷之三十一

詩篇

三

青田逆溪行百里山有鼓枯蒼順流下旗山砥中柱驚
濤折東奔迴浪拍西注妍峭顯殊狀斜整峙兩澣拂目
搖龍蛇衝風颺薛魯逶迤雲盪空淵填雷散雨造物恢
端倪靈秀闢太古制器發天巧垂象豈人取側聞閩中
郡亦共嘉名譜縮地如有方排江列誰愈停橈夕陽岸
泛酒明月鳴羣真紛來迎侍從粲可數緩節黃姑奏翠
旂觴觥舞我醉懶欲眠請君息行部

記颶風

端木國瑚

青田人

嘉慶丙辰元中秋月初朔日夕天崢嶸箕矐奮芒角樹
頭鳥暗驚子母聞膈膊啾啾夜變陰月黑叫鷓鶴鬼車

羣復遊下向屋頭啄人家呼雞雛小兒入襁橐閉門滅
火卧重重掩閨閣夜半天刁刁鏗鏘碎檐甌大噫東北
來形氣莽參錯千家怖一聲高翼萬虎搏檐瓦發驟空
排內裂帷幙壁電橫搜人狂弩射飛雹圍木拔地起半
空相枝攫雨水闔扇流魚鼈屋梁落人鬼亂支撐仆地
鬪齒齧一家不相呼惶惶念老弱此時誰計生計生亦
索莫屋居半泥塗田園盡砂礫匍匐不暇啼面面相貽
睞肢體綴一身且自拾椽桷骨月完在眼漸復求藜藿
山城未見經亦未聞在昨隣舍販溫州竄歸創兩膊苦
說溫州夜風雨更狂虐謂風有衝道其力自相迫當道

處州府志

卷之三十

詩篇

罕

衝車何餘怒礮石惡高墉洞重圍殿屋發到腳碑石忽
斷頭鼻鼻遭剝剝骷髏血磷飛破碎倒棺槨檣航拉枯
薺洶洶粉鯁壑江潮擁入城城根兀且卻時聞海壇山
窺見江燐燐有物鬪江中駢頭角山嶽撼掬裂天開火
珠赤爛爍雲壞駭西崩掀勢狀追捉一時礮礮光萬戶
恣較轆有何一將軍建牙動城郭瞋目叱鯉魚不足當
炮烙殷地折纛旗兵欄卷飛箠失據蒼頭中精銳猛銷
鑠平旦躍馬去不睨溝蚘螻長官睢且吁連日如中瘡
簿篋自料理廨舍自塗墍租帖吏下鄉雞豚早摸索露
地無屋椽塞耳是民瘼余聞良可嗟此事非冥漠春正

月初一天腥野凍涸嚴霜殺麥苗山民食已薄今秋地力殘非但無揪穫此咎定何致諒是官吏蠶吾

皇首紀元殊恩被胎鷓五事甚修紀朝位布清恪當有和風

兩廣使民生樂甌括一隘區嚮隅已苦數吾聞黃帝時

大風乃可繳鑿齒與竅窬一時皆擒割吹垢相風后天

下自清廓 皇今道是天手自司橐籥山川風雨師

容何逢不若水早有堯湯桑穀在殷亳災傷古非傷聽

卑天人格陰陽衆災異勿令諫牘削吾願貢此詞庶代

一士諤

太鶴山易冢

處州府志

卷之三十

詩篇

望

易字收仙蠹空山掃葉藏烟霞好城郭天地老金湯圖

緯秦坑外靈威禹穴旁

括蒼山趨為禹穴青田其旁支乾一峯狀人寬衣博帶左立靈

威丈人象也

混元真冢頂松栝畫蒼蒼

憶青田山作

江湖搖落憶吾廬客舍秋風逼歲除鐙下常多新雁語

牀頭漸少故人書龐公尚可尋偕隱詹尹何從問卜居

谿谷日深歸路晚恐無相識舊樵漁

秦淮海酒瓶歌

端木百祿

青田人

白雲山人贈我淮海之酒瓶外質古樸中瓏玲云是姜

山脚下土中出土花斑剝莓苔青我聞姜山昔為權酒

處淮海風流杳難遇黨人姓氏蘇門留壓捺頭銜麴部
署酒星謫下梧州城淪落一官何重輕人爲先生心不
平我謂先生生當濁世乃得揚其清嗟彼毒手亦可感
落職適成先生名不然此瓶久矣埋荒烟韜沈猶得形
自全何以造物年深不忍秘幾經歷劫仍復留人間令
人摩挲舊時物感遇弔古長流連君不見侯門當日盛
鼎盤金相玉質工雕鐫一朝勢敗落人手收藏終復羞
權奸卽看此物出黃土顯晦雖細非偶然其中呵護有
神力醜質反藉高名傳我欲攜之南園去買醉照眼鶯
花趁姿媚但悲詩人已往如灰塵孤亭冷落南園春南
處州府志

卷之三十

詩篇

聖

園春老吟何苦嘯鳥無情花不語一自藤陰夢不醒溪
山風月今無主飲君酒聽我歌百年歲月愁蹉跎人生
難得朱顏醜鶯花亭外春風多有酒不飲當奈何吁嗟
乎有酒不飲當奈何

南田移居

宗慶

百祿妻

枯蒼舊隱一年餘爲愛南田此卜居野徑鋤雲添小圃
山泉分溜入新渠衡門僻靜堪消暑空谷幽深自結廬
數片桃花春後水無端招得武陵漁

移家宛在白雲巔寫入吟圖逸似仙棊几橫琴延月榭
春風歸棹載花船泉香最愛烹茶飲地僻偏宜選石眠

綠滿空庭經雨後階苔處處綴青錢

松門杉磴翠陰斜占住名山亦足誇宿霧初開盤谷樹
春風遙隔鏡湖花田園冷落淵明宅池館幽閑小謝家
獨坐竹窗誰破寂聲聲啼鳥自相譁

桃花嶺題壁

滿目嵐光撥不開筍輿扶我上山來深閨未識烟霞趣
祇解拈毫賦玉臺

遠宦歸來曲水濱妝臺才拂鏡中塵人間亦有鍾陵謫
千里雲山別遠親

郵亭驛路怕蒙塵喜見蒼山翠霧新十里桃源知不遠

處州府志

卷之三十

詩篇

三

阿儂亦是避秦人

貪睡了環喚不知燈前銀燭自題詩多情惟有天邊月
來照山齋夜靜時

枯州凍綠

端木順

國瑚女

山城寒近製衣忙白地平鋪待早霜一夜西風吹綠上
可知青女妬紅妝

李陽冰城隍廟碑歌

吳世涵

遂昌人

東入縉雲訪古碑李侯玉筋稱最奇活石千年瘦入骨
精光飛動蟠蛟螭城隍一碑尤古勁典型尙在蒼山祠
當年剖符莅花縣仙都山下文旌馳使君廉能案牘簡

父老歡笑兒童嬉山城炎夏苦旱魃禱神設誓奠金卮
三日不雨當焚廟神亦懍懍聽厥詞風雨一夜甘霖沛
雩壇髣髴颺靈旗烹羊酌醴報神德最屬負碣來殿墀
文辭簡古埒遷固字體疎瘦參邕斯惜哉神物易變化
梭騰劍躍空嗟咨嶧山遭火蘭亭瘞此碑湮沒知何時
所幸鈎摹亦真蹟齎齎本是鵝鸞遺古釵倚物萬夫力
有鄰擇木何由追海舶攜此足禦颶定風聲價高鼎彝
我來廟中再拜讀摩挲光采猶陸離辭書與事足三絕
令人尤起賢侯思後來者誰好護惜勿令再沒荒山陲

仙都吟

處州府志

卷之三十

詩篇

四

我欲乘風駕巨艦東訪蓬萊與方壺神山縹緲可望不
可到雲濤烟浪空模糊近聞靈境在咫尺襍被且往遊
仙都初沿好溪抵下洋水光浮天青可娛移時艤舟小
赤壁石磴盤折路崎嶇磷磷攢紫石簇簇堆青蚨瓜巖
後若擁航石前若驅一巖蒼翠插林表有如盤膝踞坐
了髻之雛奴一峯突兀凌霄漢又如神鑱鬼斧百寶之
浮屠低頭瞰龍州仰首望鼎湖鸞翔鳳翥半空裏雲端
髣髴吹笙竽瑤池絳闕無由至但見懸厓峭壁倒挂蒼
龍鬚松森森兮雨滴壇寂寂兮烟鋪五老招手百衲跏
趺潛虬踞象伏虎奔駒羣玉臺邊一回首白雲如絮迷

前途賈勇更入初陽谷石門低壓山之隅伏地蛇行數
十步豁然洞府開靈區憑欄細讀陽冰篆天風拂拂飄
輕裾路轉玉甌山邈迤至步虛後有金龍投簡之古洞
前有軒轅煉藥之丹爐乾坤異境非虛設幾人換却塵
凡軀須臾霞流綺紅日銜山墮飛鳥迴舟放棹撥菰蒲
驪龍出水吐明珠浩歌舟子聲于喁溪頭肅肅驚棲鵠
窮日一瞬世所詬應接未暇良非誣我今覽勝情不辜
歸來拍掌任叫呼不用萬里入瑤島此遊已足傲仙徒
乃知跨海求仙真至愚洞天福地何處無

桃花隘

處州府志

卷之三十

詩篇

巽

馮公嶺上白雲浮桃隘重來訪舊遊一線蒼茫開古栝
萬夫形勢扼東甌林禽催客投荒驛村笛驚人入暮秋
兩到花源花不見黃蒿紅葉滿山陬

重遊石門觀瀑

栝蒼一郡千萬山水流屈曲山之間陡遇峭壁卽成瀑
一山一瀑聲潺潺石門高峙青田界山上寒泉迸萬派
海藏倒翻銀河決散落天風作光怪炎天飛電霽旦虹
練光劃破青芙蓉綃墮千絲泣鮫客珠傾百斛愁龍公
神湫瞬息有百變真覺摹寫難爲工茲山開自永嘉守
手劈蒼厓穿山溜遂令名勝擅浙東至今題咏徧巖岫

吁嗟枯郡山瀑多三巖筆架飛巨波縉雲瀑布高千丈
龍泉九漈如懸河平昌更有大樓巖隆冬冰柱高蹉峨
且如青田百丈漈亦復漱玉衝烟螺那似茲山當孔道
探奇時有名公過異境終須以人顯不然寂寞空山阿
朗吟對此長嘆息芒鞋踏徧巖前坡

由麗水還遂昌道中雜咏

杳靄烟嵐罨畫溪少微山下客初歸一鞭晚趁斜陽去
家在蓮城西復西

料峭西風渡石牛絲絲涼雨碧湖秋千家樓閣烟雲裏
盡日籃輿快卧遊

處州府志

卷之三十一

詩篇

吳

溪流旋繞亂峯堆中隔羣巒失溯洄轉過數峯溪復出
綠雲深處一舟來

峻嶺重重鳥道斜天光窄處衆山遮忽然嶺過重開朗
烟火蒼茫俯萬家

青疇百里帶平岡楓柏連村早得霜一路紅雲遮不斷
行人十月過松陽

自別家鄉歲又闌歸來重見好林巒溪山一一如知舊
到處捲簾要細看

卯山

真人樓閣鬱崔嵬縹緲靈壇絕壁開一室烟霞雞犬去

三更燈火鬼神來
簫聲空渡天邊月
劍跡難尋石上苔
羽客不還丹竈冷
秋風林下獨徘徊

侵雲嶺

縹緲流雲半在天
峒峩峻嶺與雲連
行人已向雲中過
嶺樹猶看雲表懸
一水厓前飛白練
萬山足底湧青蓮
鄉關此去重回首
多在層雲鬢鬢邊

重遊含輝洞觀太鶴丈題銘

太鶴山人昔共遊
姓名題向石巖幽
誰知老鶴摩天去
重有飛鴻踏雪愁
仙侶驚心千歲劫
琳宮回首十年秋
九原不作高文在
悵望烟霞爲少留

處州府志

卷之三十一

詩篇

畢

南明山石梁歌

君不見飛仙構屋雲氣蒼
琢削天柱流玉漿
巨靈驚駭五丁走
晴虹萬丈墮落龍宮旁
南明一山亘霄漢
石梁峩峩插山半
乳泉飛灑碧苔裏
厯劫雷霆劈不斷
青天白日毒霧霏
山鬼猙獰梁上嬉
乘風時作老蛟吼
騰雲或化靈虬飛
我聞廬山三梁如三虹
橫空界破香爐峰
又聞天台石梁數十丈
仙者可度人莫上
此梁突兀幾千年
鬼神守護藏雲烟
廬山天台相伯仲
豈與凡材碌碌供雕鐫
嗚呼不與凡材碌碌供雕鐫
乃令終古棄置荒山邊

追魂碑歌

李北海所撰葉有道碑也相傳北海刺處州時
夢中爲葉法善書此因名追魂碑一名丁丁碑
北海李公唐鉅儒生平篆隸邁褚虞却鬼未讀東方書
可憐隻字珍璠璣黃堂岑寂三更餘遊仙恍惚飄輕裾
莊周栩栩蝶蘧蘧中途豈意遭夔魑道人追魂如追逋
劍壇午夜飛靈符先遣六丁後壘荼黑甜道上相招呼
靈官匍匐推雲車藍袍金甲負弩趨采旗鈴蓋擎鬼徒
紫烟繚繞金香爐青童導入邪山廬是耶非耶天模糊
忽然大笑捩虬鬚金几玉案臨階除皋比座上氍毹毬

處州府志

卷之三十一

詩篇

吳

衍波百幅當中鋪筆花五色架珊瑚墨瀋熊頭可濡
不覺起立卷衣祛拈毫伸紙忘辛劬腕底不作風霆驅
精心結撰何徐徐倏聞雞唱神趨趨忽忽丁字拋如珠
赤烏墮窗魂驚蘓怪事咄咄猶疑無那識羽衣來須臾
墨本攤出殊非誣能事乃被鬼揶揄道人何譎公何疎
遂令異蹟傳寰區豐碑突兀蒼山隅銀鈎鐵畫人爭摹
翰林六絕高聲譽後村之譏毋乃迂人間何物非子虛

太鶴洞天石歌爲端木文作

太鶴先生真知己生平一石而已矣先生得石意欣然
終日摩挲手不止石來因太鶴石降自茗溪精光貫星

斗奇采蟠彪犀當日先生注周易十年巖舍下山側太
乙下視神鬼驚蟾宮一夜墮靈魄先生曰吁石來前山
人愛汝心貞堅錫之洞天號浴以清冷泉從今日在山
人側雪晨花夜同丹鉛吾聞媧石天可補先生此石乃
其伍曷不置諸泰岱之巔噴雷掣電興雲雨又不立之
江漢中流排突波濤作砥柱獨令委質閒散中豐功偉
烈何由覩石數雖已奇石心終不移攻擊非所畏雕琢
無由施長向精舍伴嘯傲天根月窟通奧窔潛德能參
造化關元機獨闢混沌竅吁嗟乎先生有石德不孤石
歸先生真其徒石兮石兮爾其敬事先生毋他徂混元
處州府志

卷之三十

詩篇

巽

之阜太鶴之墟先生終將挈爾以去兮而歸舍於疇昔
之易廬洞天清曠樂何如

景貞女血影石歌

戊午粵匪陷遂昌教諭景漁門妻趙氏女守姑死之守姑為賊

逼罵不絕口被支解於明倫堂左死尤慘事平全家旌卹如例至今陰雨血痕恐久而就湮歌以表之

署訓導朱承鈺

海鹽

大錯可鑄六州鐵片石不磨一寸血并隨銀瓶甘破缺
妾胡貪生不引決父死忠母死節妾死父母死貞烈頸
可無頭口有舌賊不妾死罵不輟石氣陰森血痕熱火
再經石不裂嗚呼此石亦千秋血不消名不滅

畚婦

徐望璋

麗水人

衣斑爛履苴蘆薪擔壓肩走風雨覆髻筠筒綴石珠自
稱槃瓠我之祖面目瘠且黧鈎輶獠語何支離名稱更
可怪呼畚作畚終無稽耕不療飢歉歲仍賑災休問官
倉陳麻布單衣著兩層朔風吹壁寒欲冰蒸來茅草蓬
蓬火促膝團坐溫如春

處州府志

卷之三十一

詩篇

辛

處州府志卷之三十一終